

Izjava: Potvrđena spremnost bh. sudova za održavanje suđenja za počinjene ratne zločine

OHR pozdravlja danas objavljeni transfer Radovana Stankovića iz Međunarodnog krivičnog suda za bivšu Jugoslaviju (MKSJ) u Odjeljenje za ratne zločine Suda Bosne i Hercegovine. Ovo je prvi predmet koji je MKSJ, u skladu sa Pravilom 11bis, dodijelio u nadležnost domaćeg suda u bilo kojoj od post-jugoslovenskih država.

“Ovim transferom se potvrđuje da Sud Bosne i Hercegovine može osigurati najviše međunarodne standarde pravde u ovim najsloženijim i najosjetljivijim krivičnim predmetima”, izjavio je visoki predstavnik, Paddy Ashdown danas. Takođe je dodao da “OHR u potpunosti podržava Sud Bosne i Hercegovine kao snažnu i nezavisnu instituciju”.

OHR pozdravlja ovaj transfer kao još jedan korak kako bi se osiguralo da lica koja su počinila ratne zločine u ovoj državi imaju pravično suđenje u skladu sa međunarodnim standardima, te u skladu sa zakonom ovdje u Bosni i Hercegovini. Mogućnost krivičnog gonjenja lica koja su počinila ratne zločine u okviru sudova u Bosni i Hercegovini je ključni element za pomirenje. Puna saradnja sa Međunarodnim krivičnim sudom za bivšu Jugoslaviju je takođe jasna obaveza prema Daytonskom sporazumu.